



OPIS POSLOVA I ZADATAKA

TERMS OF REFERENCE (ToR)

KONSULTANT ZA IZRADU ANALIZE I RAZVOJ MODELA ZA PRIKUPLJANJE INFORMACIJA O PLANIRANJU POLJOPRIVREDNE PROIZVODNJE

PROJEKAT: „JAČANJE INTEGRALNE POLJOPRIVREDNE PROIZVODNJE ZA SMANJENJE NEZAPOSLENOSTI I SUPSTITUCIJU UVOZA U PRERADIVAČKOJ INDUSTRIJI”

Jun 2018. godine



Ovaj projekat finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

Projekatni zadatak: *Kreiranje analize postojećih praksi u razvoju poljoprivrede i predlaganje modela prikupljanja informacija o planiranju poljoprivredne proizvodnje na području regije Bijeljina*

- A. Pozicija:** Fizičko lice, diplomirani inženjer ili naučni radnik poljoprivredne struke
- B. Lokacija:** Grad Bijeljina
- C. Referenca na projekat:** „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji“
- D. Trajanje:** 45 kalendarskih dana od dana potpisivanja Ugovora

E. Pozadina

Naručilac usluga, Centri civilnih inicijativa (CCI) jedna je od najvećih nevladinih organizacija u Bosni i Hercegovini, čija misija je omogućiti građanima BiH da ostvare svoje interese i povećaju svoj uticaj na procese donošenja odluka. Fokus rada CCI-a je zagovaranje promjena u oblasti jačanja odgovornosti, transparentnosti i efektivnosti vlasti u BiH. U okviru toga, CCI sprovodi kampanje, podržava druge građanske aktere, radi s predstavnicima vlasti i medija širom BiH.

Dana 1.09.2017. godine CCI je započeo implementaciju projekta „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji“. Projekat je dio šireg programa „Podrška lokalnim partnerstvima za zapošljavanje u Bosni i Hercegovini“ (LEP) finansiranog od strane Evropske unije, a implementiranog od strane Međunarodne organizacije rada – ILO.

Cilj projekta „Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji“ je davanje doprinosa smanjenju nezaposlenosti na području Bjeljine, te povećanje konkurentnosti lokalnih poljoprivrednih proizvođača.

Specifični ciljevi projekta su:

- Motivisati i podržati najmanje 50 nezaposlenih osoba sa područja Grada Bijeljina da započnu proizvodnju crvene paprike za potrebe prerađivačke industrije u Bijeljini;
- Kreirati institucionalni mehanizam Grada Bijeljina za dugoročno usklađivanje poljoprivredne proizvodnje prema potrebama prerađivačkih kapaciteta na području Grada;
- Aktualizovati u javnosti važnost i prednosti partnerstava (lokalne administracije, proizvođači i prerađivači) za razvoj poljoprivrede kao i smanjenje nezaposlenosti u Bijeljini.

F. Svrha zadatka

Angažovanjem konsultanta za kreiranje analize o stanja postojećih praksi u razvoju poljoprivrede i razvoj modela za prikupljanje informacija o planiranju poljoprivredne proizvodnje, želi se stvoriti osnovni preduslovi za kreiranje institucionalnog mehanizma Grada Bijeljina za dugoročno usklađivanje poljoprivredne proizvodnje prema potrebama prerađivačkih kapaciteta na području Grada. Primjera radi, predloženi funkcionalni model za prikupljanje podataka i informacija morao bi poslužiti i kao važan alat Agrarnom fondu Grada Bijeljina prilikom donošenja odluka o poticajima u poljoprivredi.

Tenderska Komisija će razmotriti sve prijavljene za poziciju konsultanta i donijeti odluku o izboru najpovoljnijeg kandidata na osnovu karakteristika i referenci za svakog od prijavljenih kandidata. Sa odabranim konsultantom će biti potpisan ugovor o saradnji koji će sadržavati sve obaveze, rokove i uslove, a kako to načelno definiše o ovaj ToR.

G. Obim posla i odgovornost konsultanta

Na području Grada Bijeljine od 2008. djeluje Agrarni fond koji se finansira iz budžeta Grada Bijeljine. Osnovni zadatak Agrarnog fonda je razvijanje i unaprijeđenje poljoprivrede i pružanje podrške proizvođačima. Dodatno, još 2015. godine uspostavljen je i međuopštinski savjet za poljoprivredu (njega čine opštine Lopare, Ugljevik i Grad Bijeljina) koji ima za cilj unaprijeđenje statusa poljoprivrede u ovim opštinama.

Predmetna analiza treba da tretira rad i efekte rada ovih tijela u proteklih nekoliko godina, ali i drugih tijela koja svojim djelovanjem mogu uticati na razvoj poljoprivrede na području regije Bijeljina. Prema podacima do kojih je CCI dosao, trenutno ne postoji praksa adekvatnog prikupljanja informacija i analize na osnovu kojih bi se donosile odluke o podsticajima i razvoju poljoprivrede i prerađivačkih grana. Fokus analize bi trebao da bude na pitanjima koja se tiču adekvatnog prikupljanja informacija (mapiranje procesa prikupljanja i analize podataka iz ciljanih izvora – indikativno APIF, proizvođači, preradivači, ministarstvo), načinu konsultacija koje se trenutno provode po pitanju planova i potreba u vezi sa razvojem poljoprivrede na području Grada Bijeljina, isl. Analiza mora pružiti odgovore na pitanje kako prevazici sve loše prakse koje budu identifikovane prilikom istraživanja.

Pored navedenog, analiza mora sadržati i pregled najvažnijih činjenica kao i opis posljedica koje prate poljoprivrednike i njihove porodice prilikom procesa preregistracije nekomercijalnih gazdinstava u komercijalna gazdinstva (poreske obaveze, poticajna politika, zdravstvena zaštita, penzioni staž, socijalna davanja). Ovaj dio analize mora jasno i komparativno prikazati šta poljoprivrednici "gube", a šta potencijalno dobijaju nakon što se preregistruju iz nekomercijalnog u komercijalno gazdinstvo.

Nakon što bude gotov Nacrt analize, CCI će organizovati Fokus grupu na kojoj planiramo okupiti eminentne stručnjake iz oblasti poljoprivrede na području Bijeljinske regije (najveći poljoprivredni proizvođači, predstavnici udruženja poljoprivrednika, predstavnici lokalne vlasti). Fokus grupa će testirati zaključke do kojih dođe analiza, s ciljem unaprijeđenja istih, te preporuka koje prizadu. Obaveza konsultanta koji bude radio analizu je da glavne nalaze predstavi učesnicima ove fokus grupe. Obaveza konsultanta je i da pažljivo sagleda sve komentare (preporuke) sa fokus grupe, a one korisne za unaprijeđenje sadržaja inkorporira prilikom finalizacije analize. Ove obaveze će biti sastavni dio Ugovora.

Indikativno, analiza bi mogla biti podjeljena na 3 dijela, a najmanje odgovoriti na sljedeća pitanja:

Prvi dio: Postojeće prakse u razvoju poljoprivrede na području Grada Bijeljina (Zakonska regulativa, strateški dokumenti i propisi - ukratko predstaviti zakonske odredbe, strategije i lokalne propise, tj. objasniti na koji način su tim dokumentima opisani aspekti razvoja poljoprivrede); **Tijela nadležna za poljoprivrednu djelatnost** (Navesti tijela koja su nadležna za razvoj poljoprivrede i ukratko opisati njihovu nadležnost po tom osnovu); **Planiranje poljoprivredne proizvodnje** (Pojasniti praksu/model trenutnog godišnjeg planiranja poljoprivredne proizvodnje, poticajnih mjera koji prate planove, isl...Konkretno, odgovoriti na pitanje kako se trenutno na području regije Bijeljina planira sadnja i otkup poljoprivrednih proizvoda, koliko je postojeća praksa efikasno i javna - opisati sve slabosti po pitanju razmjene informacija od poljoprivrednika prema predstavnicima lokalne uprave i Agrarnog fonda, i

obrnuto); **Analiza funkcionisanja sistema razvoja poljoprivrede** (Analizirati sistem razvoja poljoprivrede i opisati kako on funkcionise u stvarnosti ukazujući njegove slabe tačke. Opisati sve dostupne poticaje sa nivoa entiteta i grada, sa indikativnim primjerom crvene paprike tokom posljednjih nekoliko godina); **Prijedlog drugačijeg modela prikupljanja informacija o planiranju poljoprivredne proizvodnje** (Opisati kako bi funkcionisao korigovani ili potpuno novi sistem prikupljanja i analize informacija u planiranju proizvodnje sa isticanjem prednosti predloženog modela); **Zaključci prvog dijela.**

Drugi dio: **Pozicija poljoprivrednih gazdinstava u sektoru poljoprivrede (nekomercijalno vs. komercijalno PG) - Zakonska regulativa i propisi** (precizirati regulativu koja definiše postojanje komercijalnih i nekomercijalnih poljoprivrednih gazdinstava - opisati od kada i kako zakon prepoznaje poljoprivredna gazdinstva i zašto ih smatra potencijalom); **Nekomercijalna gazdinstva** (koliko ih ima u BiH, entitetu i u Gradu Bijeljina i kako takvo gazdinstva funkcionise); **Komercijalna gazdinstva** (koliko ih ima u BiH, entitetu i u Gradu Bijeljina i kako funkcionise gazdinstva); **Proces preregistracije nekomercijalnog poljoprivrednog gazdinstva u komercijalno** (Opisati složenost postupaka, potrebno vrijeme i troškove preregistracije nekomercijalnog gazdinstva u komercijalno); **Status nosilaca gazdinstava i prateće obaveze i prava** (Pobrojati prava i obaveze nekomercijalnih i komercijalnih gazdinstava nabrajajući poreske obaveze, kada se postaje PDV obaveznik, kako se ostvaruju prava na zdravstvenu zaštitu, penziono osiguranje, dječiji dodatak, socijalne naknade nosilaca i članova porodice, poticaji, te investiciona ulaganja); **Zaključci drugog dijela.**

Treći dio: **Preporuke** – (Preporučiti novi model prikupljanja i obrade informacija u procesu planiranja poljoprivredne proizvodnje, preporučiti izradu adekvatnog vodiča za poljoprivrednike, i sve druge preporuke koje proizilaze kao odgovor na utvrđene zaključke analize).

H. Organizaciona razmatranja

Ugovarač će se konsultovati sa Projekt menadžerom i projekt koordinatorom tokom cijelog perioda angažmana.

CCI kao naručilac posla će za potrebe realizacije konsultantskih usluga, konsultantu staviti na raspolaganje sav raspoloživi materijal koji može biti od koristi pri izradi analize (kao npr Prijedlog projekta). Prilikom izrade analize konsultant je dužan koristiti i citirati informacije iz zvaničnih izvora, stručne literature i informacije sa organizovanih fokus grupa. Nacrt dokumenta analize se dostavlja Projekt menadžeru na konsultovanje i odobravanje 7 dana prije roka završetka analize. Finalni dokument analize treba biti urađen u editovanom i lektorisanom tekstu, pogodnom za javno objavljivanje

I. Autorska prava

Sadržaj podataka dobijenih tokom angažmana je podložan zaštiti i vlasništvo je CCI-a.

J. Vrijednost ponude i plaćanje

Vrijednost ponude ne smije prelaziti 3489,10 KM u netu. Naručilac (CCI) preuzima na sebe da će na vrijednost ponude platiti porez i pripadajuće naknade. Plaćanje usluga će biti izvršeno po izvršenju svih ugovorenih zadataka, a nakon potvrde Projekt menadžera da su svi navedeni segmenti usluge uspješno isporučeni. Ovaj ToR biće sastavni dio Ugovora, a Ugovor će precizirati novčanu vrijednost angažmana.

K. Kvalifikacije aplikanta

Kvalifikacije konsultanta

K.1. Formalno obrazovanje

- Minimalno visoka stručna sprema (VII stepen) – dipl. inženjer poljoprivredne struke

K.2. Radno iskustvo i vještine

- Autentično lično iskustvo na izradi analitičkih dokumenata i dokumenata javnih politika u oblasti poljoprivrede.
- Sposobnost rada u timu;
- Izvrsne komunikacione vještine;

L. Način i rok za dostavljanje ponuda

Svi zainteresovani aplikanti za dostavljanje ponuda, **moraju najkasnije do 06. jula 2018. u 16,00h** dostaviti sljedeću dokumentaciju:

➤ **Tehnička ponuda**

- Kopija diplome minimalno VII stepen formalnog obrazovanja – dipl.inženjer poljoprivredne struke.
- Biografiju (CV), koja će predstaviti i Listu referenci - pregled radnog iskustva ili pruženih konsultantskih usluga u vezi kreiranja analitičkih dokumenata ili javnih politika
- Prijedlog Sadržaja Dokumenta analize sa inicijalnim planom rada u skladu sa zadacima koji su predstavljeni kroz tačku G, uzimajući u obzir navode iz tačke H.

➤ **Finansijska ponuda**

- Popunjena u skladu s Projektnim zadatkom iz tačke G (popunjen obrazac budžeta iz tenderske dokumentacije, ovjeren potpisom).

NAPOMENA: Tehničku i finansijsku ponudu odvojiti u dvije zasebne zapečaćene koverta, koje će zatim biti sa ostalom dokumentacijom zapakovane u jedinstvenu kovertu, na kojoj je naznačeno ime ponuđača.

Ponude se dostavljaju poštom na adresu: Centri civilnih inicijativa, Ludviga Kube 7, 75 000 Tuzla (uz napomenu: Ponuda za konsultanta poljoprivredne struke), ili putem e-maila: ccituzla@bih.net.ba .